

28. April 2022

UPA 2022/28

Napparsimasup najugaqarfimmi avataani misissorneqarnerani katsorsarneranilu kifpartuussinerit pillugit Namminersornerullutik Oqartussat nalunaarutaat nr. 2, 24. januar 2005- meersumi \$9 meeqqanut arfinillit inorlugit ukiulinnut ingiaqataasinnaasut inuit marlungortinnissaanik Naalackersuisunut allanngorteqqullugu aalajangiiffigisassatut siunnersuut.

(Inatsisartunut ilaasortaq Agathe Fontain, Inuit Ataqtigiit)

Siullermik qujarusuppugut siunnersuuteqartumut.

Siunnersuummut Siumimit imatut oqaaseqaateqarpugut.

Ukiuni makkunani peqqinnissaq pillugu ataatsimiisitaliarsuaq ingerlarsuleruttorpoq, ilaatigut ilisimatitsissutigineqareerpoq pisariaqartitat assigiinngitsut amerlasut minnerunngitsumik sanaartugassanut aningaasartuutissat pisariaqartinneqartussat siulittuutigineqareerlutik. Siumumi qanimut ataatsimiititaliarsuup sulinera malinnaaffigivarput ukiormannalu naammassigunik nalunaarusiassartaa qilanaaraluta utaqqillutigu.

Aamma qanittumi inatsisartuni ilaasortat qaaqusaaffigisatsinni Nunarput pillugu Aningaasaqarnermut Siunnersuisoqatigiit saqqummiiffigineqarpugut siunissami nunatta aningaasaqarnikkut inissisimaffigeratarsinnaanera siulittuutigineqarluni. Nunarsuarmioqatigiinni akit akitsoriartornerat taamaalilluni aningaasartuutit qaffakkiartornerat nunatsinnut sunniutissai sulii ilisimaneqanngitsut aarlerinarsinnaasulli pissutaalluni sukannersumik aningaasanik, aningaasartuutissanillu aqutsinissaq pisariaqarsinnaasoq.

Taamatut Siumumi oqaaseqaaterput aallarnerpara pissutigalugu pisussat ilisimanngisagut sulii amerlammata aammalu siunissami iliuusererusutagut neriorsuutigisinnaasagullu nunani allani pisut peqqtigalugit timitalernissaat killilersorneqarsinnaammat.

Taamaattorli siunnersuuteqartup siunnersuutaa nalorninata tapersersussallugu matumuuna nalunaarutigivarput. Siumumi taamaaliorpugut nalunagu ilaqtariippassuit inuunerminni naatsersuutiginnngisaminni pisoqartillugu erloqinartumik naammattuugaqarsimatillutik nunatta sannaata pisariaqartimmagu aggerfimmiit allamukarlutik misissortinngikkunik katsorsartittariaqarmata. Tupigissanngilarput tamatta maani isersimasut taamatut nammineq atugaqarsimanngikkutta qanigisaqartugut imaannaanngitsumik atugaqartunik. Misigissusaat ilisarisinnaavarput malugisinnaallugulu.

Siumumit isumaqarpugut peqqinnissaqarfiup aqqissuussaanera sulii politikikkut nunatsinnut kulturitsinnullu naleqquttunngortillugu naammassisimanngikkipput. Tamanna siunnersuuteqartumik uppersarneqarpoq aqqissuussimasugut peqqinnissaqarfimmik pisariaqartitsilersunut naammaginartumik kifpartuussisarneranut pitsanngorsaattissamik aallaaveqarluni siunnersuuteqarneranik.



Pisariaqarporli suliaq peqqissaarullugu ingerlanneqarnissaa aamma peqqinnissaqarfiup ulluinnarni ingerlatsinermini qanoq annertutigisumik sunnerneqarnissaa ilanngullugu sukumiisumik eqqartornissaa pisariaqarsorigatsigu, taamaattumik Siunnersuut ataatsimiisitaliamut susassaqtumut ingerlateqqinneqarnissaa innersuullutigu, qujaqqippugut siunnersuuteqartumut.

Hans Peter Poulsen, Siumut